

437 **E**r vrâgte der gegenrede al dâ:
 »ist iemen dinne?« si sprach: »jâ.«
 dô er hôte, daz ez vrouwen stimme was,
 her dan ûf ungetret gras
 5 warf erz ors vil drâte.
 ez dûht in al ze spâte.
 daz er niht waserbeizet ê,
 diu selbe schame tet im wê.
 Er bant daz ors vil vaste
 10 zeines gevallen ronen aste.
 sînen dürkeln schilt hienger ouch dran.
 dô der kiusche, vrâvel man
 durch zuht sîn swert von im gebant,
 er gienc vûrz venster zuo der want.
 15 dô wolt er vrâgen mære.
 diu klôse was vreuden lære,
 dar zuo aller schimpfe blôz.
 er vant dâ niht wan jâmer grôz.
 Er gert ir anz venster dar.
 20 diu juncvrouwe bleich gevar
 mit zuht ûf von ir venje stuont.
 dennoch was im hart unkunt,
 wer si wære oder mōhte sîn.
 si truog ein hemde hærin
 25 under grâwem rocke ze næhst ir hût.
 grôz jâmer was ir sundertrût.
 der hete ir hôhen muot gelegt,
 vonme herzen siufzens vil erwegt.
 mit zuht diu magt zem venster gienc.
 30 mit süezen worten si in enpfienç.

Er gerte ([*]: gerte V) der g. (dehain rede I gein der rede U) aldâ: *G *T

er erhôte, *T (nur T)

was om. *T (ohne V)

durch zuht om. *T

alles schimpfes *T O

zühten *G (ohne Z)

u. einem gr. r. ze (aller U) næhest an (bi U om. V) ir hût. *T

ir (ir herzen I) trût. *G (nur G)

diu het *G (ohne L)

vil siuftens (groz sufften het I) *G (nur G)

zühten *G (nur GI)

*D: D *m: m *G: G I O L Z Fr25 *T: T U V

1 Initiale D G I O L Z Fr25 T U V 2 Majuskel T 9 Majuskel D 15 Initiale I 19 Majuskel D 20 Majuskel T

1 er gerte der gegenrede dâ: *m · Er] +R D 10 gevallen] om. *m 11 ouch] om. *m I 23 möhte] mohte D 25 under eime grâwen rocke ze næhst an der hût. *m